

Matvælaráðuneytið
Borgartúni 26
105 Reykjavík

Sent á samráðsgátt
Reykjavík, 25. október 2023.

Efni: Umsögn um drög að breytingu á reglugerð nr. 580/2012 um framleiðslu og markaðssetningu aðila undir smáræðismörkum á matvælum og afhendingu frumframleiðenda á litlu magni matvæla beint til neytenda, mál nr. 191/2023.

Þann 11. október sl. birti matvælaráðuneytið í samráðsgátt stjórnvalda drög að breytingu á reglugerð nr. 580/2012 um framleiðslu og markaðssetningu aðila undir smáræðismörkum á matvælum og afhendingu frumframleiðenda á litlu magni matvæla beint til neytenda. Umsagnarfrestur var veittur til 26. október 2023.

Samtök fyrirtækja í landbúnaði fagna umræddri breytingu en taka jafnframt undir áherslur Samtök smáframleiðenda matvæla og Beint frá býli um orðalagsbreytingar sem birtist í umsögn þeirra um reglugerð þessa á samráðsgáttinni.

Breytingin felur í sér að matvælaframleiðendur með forpökkuð matvæli og gilt starfsleyfi þurfa ekki að sækja aukalega um tímabundið starfsleyfi til að geta tekið þátt í matarmörkuðum þar sem ábyrgðaraðilar markaðar eru með leyfi heilbrigðiseftirlits svæðisins fyrir markaðinum og framleiðendurnir afhenda ábyrgðaraðilum afrit af starfsleyfi sínu áður en markaður hefst.

Með breytingunni er óþarfa hindrunum, kröfum og kostnaði rutt úr vegi og staða matvælaframleiðenda styrkt. Samtökin styðja að reglugerðin, með framlögðum tillögum að orðalagsbreytingum, verði samþykkt.

Fulltrúar samtakanna eru reiðubúnir til frekara samráðs og samtals sé þess óskað.

Virðingarfyllst

f.h. Samtaka fyrirtækja í landbúnaði

Margrét Gísladóttir, framkvæmdastjóri